

**Ўзбекистон Республикаси Адвокатлар палатасининг
2018-2023 йиллардаги фаолияти юзасидан
МАЪЛУМОТНОМАга
16-ИЛОВА**

**Ўзбекистон Республикаси Адвокатлар палатасининг
2020 йилдаги молиявий-хўжалик фаолияти юзасидан
Тафтиш комиссияси томонидан ўтказилган текширув
ДАЛОЛАТНОМАСИ**

2021 йил 02 июнь

Тошкент шаҳри

АСОС: Ўзбекистон Республикаси Адвокатлар палатаси тафтиш комиссияси (бундан кейин Тафтиш комиссияси) раиси С.Джураевнинг 2021 йил 28 июндаги **3-ТФ**-сонли буйруғи.

Текширув тафтиш комиссияси раиси С.Джураев, аъзолари С.Розиков, Ш.Суванов, Т.Саматов ва Т.Садиновлар томонидан Ўзбекистон Республикаси Адвокатлар палатаси (бундан кейин Адвокатлар палатаси) раисининг биринчи ўринбосари Ш.Садиқовнинг оғохлигида ҳамда бош бухгалтер Ш.Усмонов иштирокида тақдим этилган ҳужжатлар асосида ўтказилди.

Текширув бошланди: 2021 йил 28 июнь

Текширув тамомланди: 2021 йил 30 июнь

Адвокатлар палатасининг 2019 йил 31 декабрь кунигача молиявий-хўжалик фаолияти тафтиш комиссияси томонидан текшириб чиқилган (2020 йил 27 майдаги Далолатнома).

Бундан ташқари, Адвокатлар палатасининг 2019-2020 йиллардаги молиявий-хўжалик фаолияти ташаббус тарзидаги аудиторлик текширувидан ўтказилган (2020 йил 25 майдаги ва 2021 йил 17 майдаги аудиторлик хулосалари).

Мазкур текширувда Адвокатлар палатасининг 2020 йил 1 январь кунидан 2020 йил 31 декабрь кунигача бўлган давридаги молиявий-хўжалик фаолияти текширувдан ўтказилди.

Текширилаётган давр ичида Адвокатлар палатасида биринчи имзо қўйиш ҳуқуқи билан Шухрат Шавкатович Садиқов раиснинг биринчи ўринбосари лавозимида 2019 йил 25 январдан ҳозирги вақтга қадар ишлаб келмоқда (2018 йил 26 ноябрь 10-ум-сон буйруқ).

Иккинчи имзо қўйиш ҳуқуқи билан 2010 йил 19 август кунидан ҳозирги вақтга қадар Шерзод Азамович Усмонов бош бухгалтер лавозимида ишлаб келмоқда.

Адвокатлар палатасининг устави Ўзбекистон Республикаси Адлия вазирлигида 2018 йил 26 декабрь куни 689п-сон билан қайта давлат рўйхатига олинган бўлиб, Адвокатлар палатасининг ташкилий-ҳуқуқий шакли **Палата** ҳисобланади (*устав ва гувоҳнома нусхаси илова қилинади*).

Уставга кўра, Адвокатлар палатасининг манзили: Тошкент шаҳар, Буюк ипак йўли кўчаси 471-уй.

ХХТУТ бўйича асосий фаолият коди – 98200.

ИФУТ бўйича асосий фаолият коди – 94990.

Адвокатлар палатаси 2009 йил 12 январда Ўзбекистон Республикаси Давлат солиқ қўмитасида рўйхатга олинган ва унга 200553651-сонли солиқ тўловчининг идентификацион рақами берилган.

Палатанинг банк реквизитлари:

Ҳисобварағи: 2021 2000 7005 0226 1001

«Ўзсаноатқурилиш банки» Тошкент шаҳар минтақавий филиали,

Банк коди: 00424

Ўзбекистон Республикаси Адвокатлар палатасининг ижро этувчи органи – Бошқарув (бундан кейин Бошқарув)нинг 2021 йил 19 февралдаги 8-сон қарорига мувофиқ, Адвокатлар палатасининг ташкилий тузилмаси ва штатлар жадвалига ўзгаришлар, яъни баъзи штат бирликлари қисқартирилган ҳамда штатлар жадвалидаги штат бирлиги

31 нафарга тенг бўлган.

Адвокатлар палатасида 2021 йилнинг 31 май ҳолатига 31 нафар ходим бўлиб, улардан 15 нафари ўриндошлик асосида, қолган 16 нафари эса асосий иш ўрни бўйича меҳнат фаолиятини олиб бормоқда.

Адвокатлар палатаси нотижорат ташкилот бўлиб, ўз фаолиятини адвокатлар томонидан тўланадиган кириш ва аъзолик бадаллари ҳамда қонун ҳужжатлари билан тақиқланмаган бошқа тушумлар ҳисобидан молиялаштириб боради ва фақатгина мақсадли харажатларни амалга оширади.

Адвокатлар палатасида бухгалтерия ҳисоби «1С-Бухгалтерия» дастурида юритилган ҳамда зарурий бошланғич ҳисоб ҳужжатлари ва бухгалтерия ҳисоби регистрларининг қоғоздаги нусхалари тайёрланган.

Текширишда қуйидагилар аниқланди:

Бошқарувнинг 2019 йил 28 декабрдаги 3-сон қарорига асосан, Адвокатлар палатаси ва унинг ҳудудий бошқармаларининг 2020 йил учун харажатлар сметаси тасдиқланган бўлиб, унга кўра Адвокатлар палатаси Марказий аппаратининг харажатлар сметаси қуйидагилардан иборат:

иш ҳақи фонди – бир ойда базавий ҳисоблаш миқдорининг 422 баробари, бир йилда эса 5 064 баробари, яъни бир йиллик миқдори **1 129 272 000,00 сўм**ни ташкил этган;

иш берувчининг ажратмалари (12% ижтимоий солиқ) – бир ойда базавий ҳисоблаш миқдорининг 50,64 баробари, бир йилда эса 607,68 баробари, яъни бир йиллик миқдори **135 512 640,00 сўм**ни ташкил этган;

бошқа харажатлар учун – бир ойда базавий ҳисоблаш миқдорининг 100 баробари, бир йилда эса 1 200 баробари, яъни бир йиллик миқдори **267 600 000,00 сўм**ни ташкил этган.

Бундан ташқари, Ўзбекистон Республикаси Адвокатлар палатаси раисига Ўзбекистон Республикаси Адвокатлар палатаси ва унинг ҳудудий бошқармаларининг таъминоти учун йил давомида йил якунидаги базавий ҳисоблаш миқдорининг 2 400 (икки минг тўрт юз) баравари, яъни **535 200 000 сўм** (2400 * 223000) миқдорида харажат қилиш ваколати берилган.

Шунингдек, 2020 йилда Ўзбекистон Республикаси Адвокатлар палатаси ҳисобидан ижтимоий аҳамиятга эга видеороликлар суратга олиш ва намойиш этиш, ўқув тарғибот материаллари, брошюралар, буклетлар тайёрлаш ва/ёки наشر қилиш, вакиллик харажатлари ва тадбирлар ўтказиш билан боғлиқ бошқа харажатлар учун **450 000 000 (тўрт юз эллик миллион) сўм** миқдоридаги пул маблағи ажратилган.

Адвокатлар палатасининг ҳисобварағида 2020 йилнинг бошига **1 427 924 790,10 (бир миллиард тўрт юз йигирма етти миллион тўққиз юз йигирма тўрт минг етти юз тўқсон) сўм 10 тийин** миқдорида пул маблағи мавжуд бўлган.

2020 йил давомида Адвокатлар палатасининг ҳисобварағига жами **2 312 304 294,15 (икки миллиард уч юз ўн икки миллион уч юз тўрт минг икки юз тўқсон тўрт) сўм 15 тийин** миқдоридаги пул маблағи келиб тушган бўлиб, улар қуйидагилардан иборат:

1-жадвал

ТУШУМ МАҚСАДИ	СУММА (сўм)
Фойдаланилмаган темир йўл чипталарининг пули қайтарилди	193 200,00
Конвертация учун очилган блок счётадаги қолдиқ маблағ асосий ҳисобвараққа қайтариб ўтказилди	526 755,00
"ИНТЕРКОНТИНЕНТАЛ" дан хато ўтказилган пул	167 250,00
Ҳомийлик маблағлари (Адвокатлар палатаси терма жамоасини футбол чемпионатида иштироки учун)	46 000 000,00

Худудий бошқармалардан келиб тушган аъзолик ва кириш бадаллари	2 265 417 089,15
ЖАМИ ТУШУМ	2 312 304 294,15

Аъзолик ва кириш бадалларини худудлар кесимида тушуми куйидагича:

2-жадвал

т/р	Худуд номи	Йил давомида келиб тушган бадаллар миқдори
1	Андижон вилояти	80 688 525,00
2	Бухоро вилояти	33 583 689,00
3	Жиззах вилояти	1 999 564,03
4	Қашқадарё вилояти	33 466 693,00
5	Қорақалпоғистон Республикаси	4 107 202,00
6	Навоий вилояти	0,00
7	Наманган вилояти	37 085 116,00
8	Самарқанд вилояти	188 211 573,00
9	Сирдарё вилояти	0,00
10	Сурхондарё вилояти	13 668 361,61
11	Тошкент вилояти	61 216 524,58
12	Тошкент шаҳри	1 672 940 283,02
13	Фарғона вилояти	127 687 359,08
14	Хоразм вилояти	10 762 198,83
	ЖАМИ	2 265 417 089,15

2020 йил давомида Адвокатлар палатаси ҳисобидан жами **2 180 177 577,14** (икки миллиард бир юз саксон миллион бир юз етмиш етти минг беш юз етмиш етти) сўм **14 тийин** миқдорида харажат қилинган бўлиб, улар куйидагилардан иборат:

3-жадвал

Харажатлар мақсади	Ҳисобварақдан сарфланган (сўм)	Корпоратив пластик карточкадан сарфланган (сўм)
Иш ҳақи ва унга тенглаштирилган тўловларга	1 027 705 073,81	
Даромад солиғини тўлашга	121 201 467,02	
Ягона ижтимоий тўловни тўлашга	138 505 046,30	
ШЖБПҲ га ажратмани тўлашга	1 024 886,02	
Ходимларнинг аризаларга асосан касаба уюшмасига ўтказилди	11 063 495,09	
Асосий воситаларни харид қилиш учун	10 258 419,95	26 728 000,00
Канцелярия моллари ва ТМЗ ларни харид қилишга	13 818 125,00	29 278 886,00
Электр-энергияси учун	13 500 000,00	
Табиий газ учун	20 416 720,45	
Совуқ сув ва канализация хизмати учун	2 350 076,99	
Олий малака комиссияси аъзолари тушлик ташкиллаштириб бериш учун		790 600,00
Адвокатлар палатасига тегишли иситиш қозонини таъмирлаш учун	1 300 000,00	

Телефон алоқа хизмати учун	2 400 000,00	
Газ таксимлаш ускунаси (ГРП) га профилактик хизмат кўрсатиш учун	1 321 122,33	
Сув ўлчаш ускунаси (водомер) ни рўйхатга олиш учун	61 300,75	
Интернет хизмати учун	7 056 000,00	
Е-ХАТ дастури таъминоти билан боғлиқ харажатлар учун	300 350,00	
Теленамойишлар хизмати учун	312 000,00	
Ходимларни суғуртаси учун	678 669,16	
Автотранспорт воситалари суғуртаси учун	168 000,00	168 000,00
Интернет провайдерлик хизмати учун	1 452 500,00	
Оргтехника воситаларининг таъмири учун		125 000,00
Ўзбекистон Республикасидан ташқаридаги хизмат сафарлари билан боғлиқ харажатлар учун ходимларга тўланган	11 349 096,58	
Авиабилет ва темир йул чипталари учун		6 310 810,00
Ўзбекистон Республикаси ичкарасидаги хизмат сафарлари билан боғлиқ харажатлари учун ходимларга тўланган	1 300 000,00	
ЎзРАП Бошқаруви аъзоси Ж.Турдалиевнинг хизмат сафари харажатлари қоплаш учун (17.12.2019 йил 18-хс-сон буйруққа асосан)	5 064 757,92	
Адвокатлар палатасига ташриф буюрувчи меҳмонлар ва турли тадбирлар доирасида фойдаланиш мақсадида миллий ҳунармандчилик маҳсулотларидан иборат совғалар (лаган ва ҳ.к.) учун		1 540 000,00
Навоий вилоят ҳудудий бошқармаси маъмурий биносида иситиш тизимини таъмирлатиш учун (Бошқарувнинг 28.12.2019 йилдаги 3-сон қарори 5-банди 2-қисми)	24 000 000,00	
Ҳудудий бошқармаларни молиялаштириш учун	560 542 601,39	
Аванс китобчасини тўлдириш учун (конверт ва марка учун)	7 000 000,00	
Автотранспорт воситасини техник кўриқдан ўтказиш учун	89 200,00	
Ласетти ва кобальт автотранспорларига зарурий эҳтиёт қисмлари ва техник хизмат кўрсатиш билан боғлиқ харажатлар	9 252 000,00	5 436 500,00
Автотранспорт воситаларига бензин ва газ ёқилғисини харид қилиш учун		12 289 471,00
СОРЖ га пеня	176,00	
Корпоратив карточкани тўлдириш учун	81 100 000,00	
"ИНТЕРКОНТИНЕНТАЛ" дан хато ўтказилган пул қайтарилди	167 250,00	
Фарзандини икки ёшга етгунга қадар парваришлаш учун тўланадиган нафақа	5 214 037,33	
Ходимларнинг иш ҳақи ҳисобидан контракт пули	78 708 519,00	
Ходимнинг иш ҳақи ҳисобидан даволаниши учун қарз берилди	7 000 000,00	
Адвокатлар палатасининг 2019 йилдаги молиявий фаолиятини аудиторлик текширувидан ўтказиш учун	10 000 000,00	
ДХМ томонидан кўрсатиладиган пуллик хизмат (дарахтларга шакл бериш масаласида)		78 591,00
Электрон рақамли имзо олиш учун	22 300,00	
Банк харажатлари	4 474 386,05	25 000,00
ЖАМИ ХАРАЖАТЛАР	2 180 177 577,14	82 770 858,00

Йил якунига 2019 йилда ўтказилган халқаро тадбир бўйича Самарқанд шаҳрига саёҳатни ташкиллаштирган “SILK TOUR” МЧЖ туристик ташкилотининг **2 880 000 сўм** ва тадбир қатнашчиларига совғалар тайёрлаб берган хунарманд ЯТТ “Nigmatov Mirsaid Ravshanovich”нинг **27 000 000 сўм** миқдорида Адвокатлар палатасига қайтариши керак бўлган маблағлари мавжуд.

ЯТТ “Nigmatov Mirsaid Ravshanovich” **27 000 000 сўм** миқдоридаги пул маблағини 2021 йил 7 январь куни Адвокатлар палатасининг ҳисобварағига тўлиқ қайтарган.

Бошқарувнинг 2019 йил 28 декабрдаги 3-сонли қарори 5-банди иккинчи қисмига асосан, Адвокатлар палатаси раисига Адвокатлар палатаси ва унинг ҳудудий бошқармаларининг таъминоти учун йил давомида йил якунидаги базавий ҳисоблаш миқдорининг 2 400 (икки минг тўрт юз) баравари миқдорида харажат қилиш ваколоти берилган.

Шундан келиб чиқиб, Адвокатлар палатаси Навоий вилоят ҳудудий бошқармаси маъмурий биносида иситиш тизимини жорий таъмирлаш учун йил давомида жами **24 000 000 сўм** миқдорида пул маблағи ўтказиб берилган.

Адвокатлар палатаси ҳисобидан йил давомида ҳудудий бошқармаларга иш ҳақи, ажратмалар ва бошқа харажатлар учун ўтказиб берилган маблағлар (тасдиқланган смета бўйича) қуйидагича бўлган:

4-жадвал

т/р	Ҳудудий бошқарма	Йил давомида ўтказилган маблағи миқдори
1	Андижон вилояти	8 974 239,00
2	Бухоро вилояти	11 345 961,00
3	Жиззах вилояти	81 938 062,26
4	Қашқадарё вилояти	12 496 891,00
5	Қорақалпоғистон Республикаси	52 161 085,00
6	Навоий вилояти	107 540 835,64
7	Наманган вилояти	70 173 562,00
8	Самарқанд вилояти	8 088 651,00
9	Сирдарё вилояти	60 419 468,25
10	Сурхондарё вилояти	85 417 503,57
11	Тошкент вилояти	35 896 160,00
12	Фарғона вилояти	9 618 937,00
13	Хоразм вилояти	16 471 245,67
	ЖАМИ	560 542 601,39

Адвокатлар палатасининг департамент бошлиғи Г.Сайфиева соғлигини тиклаш учун иш ҳақи ҳисобидан қарз бериш тўғрисида ариза ёзган бўлиб, унинг аризаси Адвокатлар палатаси Бирлашган қасаба уюшма қўмитасининг йиғилишида муҳокама қилинган ва қаноатлантирилган. Шундан келиб чиқиб, 2020 йил 25 март куни Г.Сайфиева билан 2-сонли қарз шартномаси тузилган ва унга иш ҳақи ҳисобидан **7 000 000 (етти миллион) сўм** миқдорида пул маблағини соғлигини тиклаш учун қарзга берилган.

Шартноманинг 2.2.-бандига кўра, Қарз олувчи олинган қарз суммасини 2020 йил апрель-июль ойлари иш ҳақи ҳисобидан ушлаб қолиш йўли билан ҳар ойда 1 750 000 (бир миллион етти юз эллик минг) сўмдан Қарз берувчига қайтариб бериш мажбуриятини олганлиги сабабли, ушбу қарз суммаси шартномага мувофиқ тарзда Г.Сайфиеванинг иш ҳақи ҳисобидан ушлаб қолинган.

Хорижий давлатларга амалга оширилган хизмат сафарлари юзасидан:

2020 йил давомида хорижий давлатлар томонидан киритилган таклифларни инобатга олиб, Адвокатлар палатаси раисининг буйруқларига асосан Адвокатлар палатаси ходимлари Ўзбекистон Республикаси ташқарисига хизмат сафарига юборилган ва уларнинг хизмат сафарлари билан боғлиқ бўлган харажатлари Ўзбекистон Республикаси Молия вазирининг 2015 йил 19 октябрдаги 92-сонли буйруғи билан тасдиқланган «Вазирликлар, идоралар, корхоналар ва ташкилотлар ходимлари Ўзбекистон Республикаси ташқарисига хизмат сафарига юборилганда хизмат сафари харажатлари учун маблағлар бериш тартиби тўғрисида»ги Низом талаблари доирасида қоплаб берилган:

Жумладан, Корея Республикасининг Адвокатлар ассоциацияси президенти Чан Хи Ли билан ўзаро ҳамкорлик меморандумини тузиш мақсадида, Адвокатлар палатаси раиси вазифасини бажарувчисининг 2019 йил 17 декабрдаги 18-хс-сонли буйруғига асосан А.Эрназаров, Г.Сайфиева ва Бошқарув аъзоси Ж.Турдалиевлар 2020 йил 14-17 январь кунлари Корея Республикасининг Сеул шаҳрига хизмат сафарига юборилган, ушбу хизмат сафари учун Адвокатлар палатаси ҳисобидан қуйидаги харажатлар амалга оширилган:

Тошкент – Сеул – Тошкент йўналишига авиачипта сотиб олиш учун – **15 985 434 сўм.**

Яшаш ва суткалик харажатлари учун жами – **15 194 273,76 сўм.**

Адвокатлар палатаси томонидан хорижий давлатлар билан боғлиқ хизмат сафарлари харажатларини тўлаш жараёнида барча зарурий ҳужжатлар тўлиқ расмийлаштирилган.

Ҳисобланган иш ҳақи ва ундан ажратмалар (солиқ ва бошқа мажбурий тўловлар)

2020 йил давомида Адвокатлар палатаси томонидан 38 нафар ишчи ходимларга ойлик иш ҳақи ҳисобланган бўлиб, шундан ўриндошлик асосида ишлаганлар 19 нафарни ташкил этган.

2020 йил давомида ходимларга ҳисобланган меҳнатга ҳақ тўлаш тарзидаги даромадлар **1 154 208 719,39 сўм** бўлиб, бундан **76 712 000 сўми** мукофот пуллари ҳисобланади, бундан ташқари **5 560 133 сўм** бола 2 ёшга тўлгунига қадар тўланадиган нафақа, Адвокатлар палатаси раисининг фармойишларига асосан ходимларга **74 658 024 сўм** моддий ёрдам берилган.

Ҳисобланган даромад солиғи – **135 111 421,77 сўм** бўлиб, шундан бюджетга – **133 985 493,26 сўм**, шахсий жамғариб бориладиган пенсия ҳисобварағига ажратма эса – **1 125 928,51 сўм**ни ташкил этган.

Иш ҳақи фондидан ягона ижтимоий тўлов – **138 505 046,33 сўм**ни ташкил этган.

Касса юритиш тартиби бўйича

Ўзбекистон Республикасининг “Бухгалтерия ҳисоби тўғрисида”ги Қонуни, Ўзбекистон Республикаси Молия вазирлиги томонидан 1999 йил 19 октябрда ЭГ/17-19-2075-сон билан тасдиқланган Ўзбекистон Республикаси Бухгалтерия ҳисобининг миллий стандарти (19-сонли БҲМС) “Инвентарлашни ташкил этиш ва ўтказиш” (1999 йил 2 ноябрь, рўйхат рақами 833-сон) талаблари асосида Адвокатлар палатаси раисининг 2017 йил 4 декабрь 19-ф-сонли фармойиши билан Ўзбекистон Республикаси Адвокатлар палатасида пул маблағлари, бойликлар ва қатъий ҳисобдаги бланкларни инвентарлаш учун доимий асосда ишловчи комиссия тузилган.

Мазкур фармойишга кўра, Комиссия Адвокатлар палатаси кассасида ҳар чорақда камида бир марта тафтиш ўтказиб, кассадаги барча нақд пул ва бошқа қимматликларни бирма-бир қайта санаб, текширилишини таъминлаб келмоқда.

Адвокатлар палатасида касса китоби юритилган бўлиб, унга нақд пуллар кирими ва чиқими ёзиб борилган.

Текширув даври давомида банк муассасасидан кассага олинган нақд пуллар айнан қандай мақсадлар учун олинган бўлса, шу мақсадларга тўғри сарфланган ва тегишли ҳужжатлар билан расмийлаштирилган (*маълумотнома илова қилинади*).

2021 йилнинг 30 июнь куни ҳолатига Адвокатлар палатасининг кассасида нақд пул қолдиғи мавжуд эмас.

Адвокатлар палатасида мавжуд асосий воситалар бўйича

Адвокатлар палатасида 2020 йил 31 декабрь кунига кўра мавжуд асосий воситаларнинг бошланғич қиймати – **2 071 694 338,45** сўмни ташкил этган (*Асосий воситалар бўйича ҳисоботлар илова қилинади*).

Адвокатлар палатасида мавжуд асосий воситалар ва товар-моддий бойликлар санокдан ўтказилганида ҳеч қандай камомад ва ортиқчаликлар аниқланмади.

Асосий воситалар моддий жавобгар шахсларга қабул қилиш-топшириш далолатномалари орқали бириктирилган.

Асосий воситаларга ўз вақтида белгиланган тартибларга кўра эскириш ҳисобланиб борилган.

2020 йил якунига Адвокатлар палатаси ҳисобварағидаги пул маблағининг қолдиқ қисми **1 560 051 507,11** (бир миллиард беш юз олтмиш миллион эллик бир минг беш юз етти) сўм **11** тийинни ташкил этган.

Текшириш далолатномаси 2 (икки) нусхада тузилди ва бир нусхаси Адвокатлар палатасида, бир нусхаси эса Тафтиш комиссиясида сақланади.

Тафтиш комиссияси раиси

С.Джураев

Тафтиш комиссияси аъзолари

С.Розиков

Ш.Суванов

Т.Саматов

Т.Садинов

Далолатнома билан танишиб, бир нусха олдик

Адвокатлар палатаси раисининг
биринчи ўринбосари

Ш.Садиков

Бош бухгалтер,

Ш.Усмонов

